



香港糸東流空手道協會
HONG KONG SHITORYU KARATEDO ASSOCIATION



香港糸東流空手道
黑帶會

一期一會 2018.08 No. 001



一起燒過的日子

2018年1月14日 茅湖仔村 獅子會-青年會將軍澳青年營

[相片分享 >](#)



慶祝取得豐收成績

2017年度全港空手道大賽 - 隊際賽 (2018年1月7日)

男子隊際搏擊季軍 莫啟超 羅鎮榮 陳傳文
彭智鴻 陳廷臻 卓偉倫 方浩南

2017年度全港空手道大賽 - 個人賽 (2017年12月30日)

67公斤以下 組手季軍 莫啟超
55公斤以下 組手亞軍 羅鎮榮



繆春興
師兄



我和師兄有個約會



方浩南
師兄

繆春興師兄 空手道助我教育下一代

感謝繆春興師兄接受訪問及交流，繆春興師兄於澳洲開設既道場名叫糸東流空手道初心館，以下是方浩南師兄訪問



師兄你好呀！無見幾年，好開心可以訪問你！師兄你學左空手道幾耐呀？



一九八零年既時候，我十五歲果時響觀塘官立工業中學開始學空手道。當時小梁師父及棟師父到學校教授空手道，一星期兩次。



當初點解會學空手道？學之前對空手道有咩睇法/有咩認識？



因為官工係男校黎既，個個同學都好動，但自己就唔喜好打波踢波果d球類運動。當時開始興起學功夫，所以就選擇開始學習空手道。其實自己學習空手道之前對空手道不太認識，只係於電影中聽說過空手道。



學空手道其間有無咩難忘既經歷？



於官工的時候，吳天賜師兄、訓導主任孔Sir 等等有時都會到道場教導空手道，也會一起練習，非常好玩。有時孔Sir會打甩學生眼鏡，學生又借機會打甩孔Sir眼鏡，大家無乜隔膜，好開心既。

其實所有學習空手道的時光都非常難忘，尤其最初期與棟師父、小梁師父一同練習既時間。記得自己還是啡帶既時候，有一次與小梁師父練習搏擊中踢到小梁師父頭部，非常深刻，因為無想自己可以做得到。當時一班同期的師兄弟姊妹一同練習既時光非常開心，有黃佩華師姐、謝家碧師姐及麥寶球師兄等等。



空手道對今天的你有甚麼意義？



空手道對今天的我意義非常重大，不但維持自己一個健康的身體，亦幫助我教育下一代。自己堅持練習，以身作則，作為兒子既榜樣。假若我停下來，恐怕兒子也會跟著停下來不再作練習。



另外，空手道像寶庫一樣，有好多知識自己尚未學習，所以仍然需要不停學習/練習空手道，一方面學習更多，一方面鞏固學習了的知識。我認我一生也不會停止練習空手道。



師兄，我知你最近開辦了一個新道場，可唔可以介紹呀？



我於之前南澳洲練習的道場，為國際空手道尚武會藤本貞治師範的南澳洲的支部，但負責的師傅上年因心臟病發後不能再教空手道了，便把道場交托了給我負責。但其實我對尚武會的技術知識有限，因為自己多年來都係練習系東流空手道，所以接手後決定會教授系東流的空手道。而接手道場後的首要工作，係想將道場既練習方向跟隨香港系東流空手道協會的課程教授。

暫時道場設於YMCA。由2017年3月接手後，因為學員轉練系東流空手道，所以暫時主力在於教授系東流套拳及分解。也要求學生去學習系東流空手道的手法。所以暫時未有收錄新學員。2018年第一季才會開始收新學員。

另外，道場也在物識新的地方，因為現在YMCA的練習場地時租較貴，需要35澳幣一小時，有時只有3-4人回到道場，難以支付昂貴租金。希望下一年收取新學員後人數增加，道場租場可以分擔一下。

後記

認識左繆師兄好多年，但真正深入接觸既機會唔係太多，每次都係師兄回港探親，或者響系東流空手道世界賽/亞太賽等等同師兄見面。但每次見面，師兄對我地都好親切，當我地細佬妹咁。師兄為人風趣幽默好鍾意講笑，但打起搏擊上黎一d都唔講得笑嫁！唔信既話下一次見到面可以挑戰下師兄嫁！



師兄於澳洲開設既道場名叫
系東流空手道初心館，
大家可以到以下連結了解更多 >

<https://www.facebook.com/ShitoryuSouthAustralia/>



香港系東流空手道協會
HONG KONG SHITORYU KARATEDO ASSOCIATION



hkaka GO >



hkaka.com GO >

如閣下不希望繼續收到協會的資料，[請按此](#)取消接收。

If you do not wish to receive any materials from us, please [click here](#).